

Ops Pembersihan di Pasar Borong Selayang

# DBKL roboh struktur haram

>>Oleh Mohd Fadly Samsudin

fadly@hmetro.com.my

KUALA LUMPUR: Tujuh struktur tambahan yang dibina di tepi bangunan Pasar Borong Kuala Lumpur di sini dirobohkan dalam Ops Pembersihan, Dewan Bandaraya Kuala Lumpur (DBKL), semalam kerana tidak mendapat kelulusan Unit Perancang DBKL.

Operasi itu diadakan bersama Polis Diraja Malaysia (PDRM) dan beberapa jabatan DBKL antaranya Perancang, Kesihatan, Perlesenan, Bangunan serta Pembersihan Bandar.

Timbalan Pengarah (Operasi) Jabatan Keselamatan dan Penguatakuasaan DBKL, Ab Salim Mansor, berkata kebanyakan premis lengang berikutnya pengusaha sudah mengetahui lebih awal kedatangan pihak berkuasa namun masih ada segerintir peniaga cuba mencegah kewibawaan DBKL.

"Kita terpaksa mengambil tujuh struktur tambahan yang dibina di tepi bangunan yang tidak mendapat kelulusan. Unit Perancang DBKL telah menerima notis sudah dikeluarkan sebelum ini, tetapi arahan tidak diendahkan pengusaha berkenaan."

"Namun seramai 35 pengusaha akur dengan notis yang dikeluarkan dan mereka me-



ANGKUT...kontena yang dijadikan bilik sejuk beku disita kerana menghalang laluan.

ngambil tindakan dengan meroboh sendiri struktur tambahan terbabit," katanya dalam sidang media di sini, semalam.

Menurut Ab Salim, pengusaha itu sebenarnya tidak mendapat kelulusan untuk menjalankan perniagaan borong kerana ia mendapat tentangan daripada peniaga pasar borong bersebelahan.

"Mengikut undang-undang

mereka tidak boleh menyamai perniagaan pasar borong yang menjual produk sayur-sayuran, buah-buahan dan daging.

"Perniagaan hanya sah jika mereka berada di luar lingkungan dua kilometer daripada kawasan pasar borong berkenaan dan di Pusat Bandar Utara ini, peniaga hanya dibenarkan menjual produk borong seperti tekstil," katanya.

Sementara itu, sebanyak lima kontena yang diletakkan di tepi jalan disita kerana menghalang laluan.

Kontena berkenaan dijadikan sebagai bilik sejuk beku sayuran dan buah-buahan.

"Pemilik boleh mengambil semula barang yang disita dengan caj sebanyak RM1,200, namun jika kesalahan berulang, nilai caj akan ditingkatkan," katanya.

